

VERTEX

YEAR BOOK

2023-2024



Editor's Notes

散聚有時，一年時間話長非長，話短非短。過去是充滿挑戰的一年，這本年度總結見證了大家歡笑的時刻，記錄了大家的一點一滴與成長。儘管有重重困難，經歷過懷疑、迷惘、流淚，仍能堅持面對，讓我們不斷進步和延續。希望這年報能成為大家一口甜點，於茶餘飯後能輕輕回味，讓我們都記得曾經有一段這樣的故事，也能帶給我們無盡的感動和勇氣！

既是終，亦是始。VERACITY即將卸任，期望新莊VERTEGRITY能保持團結一心，攜手同行，創造更多驚喜和成就。亦希望他們保持心中的火，繼續延續我們的努力和熱情，以他們獨特的方式邁向新的高峰。

相信在新的一年，大家將繼續迎來豐富的活動和成果。祝福大家在來年繼續追尋夢想，創造不凡！

Chloe

Publication Secretary

VERTEX, House II SA., HKUSTSU,

Session 2023-2024

CONTENT

<i>Functions Review</i>	<i>P. 4-9</i>
<i>Floor Committee</i>	<i>P. 10</i>
<i>Regular Gatherings</i>	<i>P. 11-12</i>
<i>Group Gatherings</i>	<i>P. 13</i>
<i>Welfare Product</i>	<i>P. 14</i>
<i>Promotion Period</i>	<i>P. 15</i>
<i>Speeches from EX-COs</i>	<i>P. 16-25</i>
<i>Memories of VERACITY</i>	<i>P. 26</i>
<i>Speeches from the Elected Cabinet</i>	<i>P. 27-37</i>

Functions Review

Joint House Inauguration Ceremony



今年終於如常舉行到就職典禮。好多謝大家嚟支持同埋見證我哋上莊！

Final Year Farewell Party



六月又係送別一班畢業生嘅日子。大家當晚都玩得好盡興，希望佢哋可以喺翔峰留下美好嘅回憶，唔好忘記嗰度嘅快樂時光啦！

Joint House Sports Competition

我哋每年都會同其他Houses一齊舉辦IHSC，有唔同嘅運動俾sportsmen切磋球技。今年每個運動都取得唔錯嘅成績，特別係羽毛球同埋籃球，令大家都睇到好緊張！期待翹峰人來年嘅運動能夠更上一層樓！



Orientation Camp



講到O'Camp, 一定係每年最好玩最青春熱血嘅活動。除咗有濕身水game、真火Campfire之外, 我哋今年仲邀請咗Arvin同麗英嚟我哋嘅Party night演出, 希望各位freshmen都可以留下深刻嘅回憶, 亦都好快咁融入咗到翱峰呢個大家庭!

Orientation Week

今年嘅O'week喺Atrium到舉行，好多freshmen經過或者落堂都有過嚟搵我哋嘅EX-COs傾偈㗎！我哋仲有靚靚嘅Soc product，例如帆布袋、電腦架等，啱晒大家上堂用，好多freshmen都買咗份㗎！



店小二開張

每年九月翺峰都有個重大日子，就係店小二開張啦！好多freshmen都會落嚟同O'mates/EX-COs聚下，玩下遊戲贏coupons。我哋仲會有好多零食飲品俾大家換領，又有得玩，又有得食就最開心不過啦！



Heat of Singing Contest



嚟到Sing Con又係各位歌王歌后大展歌喉嘅日子，好開心可以聽到咁多人美妙嘅歌聲。想一齊唱下歌，就記得下年要參加啦！

魔峰禁地



唔知你有冇嚟玩我哋今年嘅鬼屋呢？今年大家都扮到幾恐怖㗎，嚇到大家都啞唔停！



Sub-Committee Function

貳次回憶



今年嘅Sub-Committee Function除咗有唔同嘅表演之外，仲有各式各樣精心調製嘅特飲，一路玩一路飲真係又chill又hyper呀！



Bazaar



今年我哋嘅VERTEX Bazaar有唔同嘅攤位遊戲玩，仲有占卜師幫大家睇運程。大家有冇贏到獎走呢？不過有冇都好，希望大家嗰日玩得興奮啦！

樓會選舉

2-3樓 猛男會



4-6樓 美國派



7-8樓 修身堂



9-10樓 鳳凰寨

Interfloor Sports Competition



我哋今年仲搞咗唔同嘅 Sports Competition, 例如躲避盤、羽毛球同籃球, 俾四個樓會嘅人去參與, 大家都好努力為自己個樓會爭取勝利㗎!

Regular Gatherings

School Uniform Party

校服P可以話係大家最期待最鍾意嘅function，大家可以一齊玩遊戲，仲可以見到唔同嘅中學校服，又有趣仲有種重拾以前中學嘅青春感覺添！



Regular Gatherings

BBQ Night

喺Fall Sem完之前我哋搞咗BBQ Night俾唔同組嘅人一齊聚下，同埋慶祝吓一班freshmen努力籌備嘅function順利舉行！



Dessert Night

今年Dessert Night我哋整咗Cupcake、椰汁西米露同埋曲奇麻糬，好多鍾意煮嘢或者食甜品嘅members都過咗嚟試吓整，煮嘢食嘅過程就唔好提啦，但整出嚟都意外地幾好食㗎！



Group Gatherings

今年我哋唔同組仲搞咗好多 gatherings俾大家聚下同埋一齊玩，希望大家可以越嚟越熟，亦都越嚟越鍾意翺峰呢個大家庭啦！



Welfare Product

今年我哋準備咗又靚又實用嘅welfare俾大家，非常豐富㗎，有電腦架、Tote bag、水樽等等，不但方便到去上堂仲fit到住hall嘅大家，希望大家都鍾意啦！



Society T-Shirt



Tote Bag




Bottle



Computer Stand



Towel



Society Paper

Promotion Period

今年嘅新莊係VERTEGRITY.，代表住19位成員誠實正直，全程投入去搞每個function。Pro P嗰兩個禮拜新莊都努力喺Atrium擺counter宣傳自己，仲整咗好多靚靚嘅dec同好玩嘅遊戲俾大家玩，見到佢哋嘅付出都毫無怨言。希望佢哋來年都可以團結一致，保持住心中嗰團火，盡222%嘅熱誠為翺峰服務！



Speeches from EX-COs



流光容易把人拋，紅了櫻桃，綠了芭蕉。還記得當初，一個口沒遮攔，自以為是的少年，誓要立志成為翺峰P。一年莊期時光雖短，但經歷過的汗水與淚水，帶給我的成長，成為了我永不磨滅的回憶。

很感激我在翺峰遇到的一齊，同時亦很感激我的莊員、上莊、組爸媽和所有為翺峰付出過的人，雖說「共同榮耀」會令大家忍俊不禁，但毋容置疑「無大家嘅付出，就無今日嘅翺峰！！」

Speeches from EX-COs



話咁快就落莊了，真係好唔真實，近排睇住下莊 Pro P，先發現自己要落莊了！一年過去了，仲記得我哋 Pro P 個陣大家 chur 到傻，個

個都對一年嘅莊期感到辛苦同理不知所措，個個都話要 quit 莊。一開始我都係咁諗，但係每同大家經歷多一件事，越熟，時間就過得越快，不知不覺間我哋經歷咗好多好多嘢：單春入醫院、AKM JHSC 喊、O'camp chur 到無覺訓，再到之後一起去馬來西亞，經歷咗好多好多嘢，好多同大家既回憶，咁就原來已經落莊啦... 快樂嘅時光原來真係過得特別快，但係我哋唔使 say goodbye，因為我相信即使落咗莊，我哋都仲係好朋友。

(to be continued)

Speeches from EX-COs



我唔覺得自己係一個好IV，本身我自己都懶，點會chur你哋做嘢，但係好慶幸有你哋呢班好莊員，會自動自覺做嘢，所以我決

定對你哋好啲，守護好我哋嘅關係。

好啦！仲話隨便打句嘢再加兩個emoji就算，越打越多，係時候結尾了。多謝大家帶俾我一個不平凡嘅大學生活，帶我跳出自己嘅舒適圈。不論係一開始嘅D組，到沖涼團，定係813都好，多謝你哋嘅陪伴同幫助。至少畢業後，我有一段可以值得回憶的人生經歷。那些年我們一起上過的莊，好幸運可以識到你哋。上莊無憾，落莊快樂！

Speeches from EX-COs



一年好快過去，決定上莊好似係尋日嘅事，你問我有冇後悔?? 諗多2次都會係答你有!! 上莊最開心係識到呢班好莊員，一齊

經歷左大大少少嘅事令我一生難忘。莊期入面總有少少遺憾，不過過咗去嘅都改變唔到，而我莊期都差唔多完，所以我寄望下莊唔好同我一樣犯同樣錯誤，最後祝上莊愉快，莊期美滿，唔好後悔。

時間過得好快，咁樣一年就過去了。中間經歷過好多嘢，都有嘗試過好多唔同嘅嘢，雖然有啲時間真係好辛苦，但係所有嘅經歷都係值得嘅。祝下莊上莊快樂，我落莊快樂。



Speeches from EX-COs



我距離落莊嘅時間唔遠，由籌備上莊到宜家落莊，呢一年真係有好多深刻嘅回憶係根本唔會由平時所體驗到。當初參加完Sub-com

Function都係想感受一下搞活動嘅感受而非真正要上莊，但完咗時候發現由一班人去搞一個活動真係可以建立咗好多珍貴嘅回憶，Pro P呢段時間亦係最辛苦嘅時間，但係呢段日子真係無法被取代，過程係辛苦嘅，但係同大家呢兩個星期真係發掘咗無限嘅可能。最後大家落莊快樂，我愛我的莊員！

Speeches from EX-COs



一年話長唔長，話短唔短，呢年莊期就快完結啦！由上莊開頭學識做好唔同嘅莊務，分配好時間同balance到啲莊務，到後

來帶組子女，點樣令佢哋玩得開心留喺度，都經歷咗唔少嘢。到中期曾經頹過，有啲想放棄，不過諗起自己都行到今日，不如堅持下，令自己有值得回憶嘅莊期就行到兩家。呢年嚟覺得自己真係成長咗唔少，嘗試做一啲自己未做過或覺得自己會做唔到嘅嘢。不過多謝呢啲經歷令我勇敢面對每個兩難問題，更加勇敢去做決定，亦令我更勇敢去表達自己。

(to be continued)

Speeches from EX-COs



雖然呢年我哋爭吵過，但好開心呢班莊員仍然能夠互相包容，攜手堅持下去，亦好開心遇到班組仔女，令我有個充實同多姿嘅莊期。同時亦要多謝身邊一直支持同陪伴我嘅人，令我知道喺艱難迷惘的時候我並不孤單。

呢年令我獲益良多，會話莊期無悔了！希望下莊能夠盡力做好自己，將翔峰嘅溫暖繼續傳承下去。祝大家上莊落莊快樂！



Speeches from EX-COs



成莊一年，任期差唔多告一段落。早前整自己嘅 portfolio，睇返一個個 function，諗起一齊搞完 O'Camp 後嘅成功感同埋滿

足感，又諗起晚晚同你哋直踩嘅回憶。真係好開心可以識到成班莊員同埋咁多組子女，你哋喺我呢一年留低咗濃墨重彩嘅一筆，令我喺成長路上收穫良多。太多過去像風一樣握不住，但又一次次吹在我的臉上讓我回憶起。無論痛苦還是歡愉，都是過去的美好，不後悔。希望翔峰一年比一年好！！



Speeches from EX-COs



原來話咁快，就嚟到落莊了！一年嘅時間真係眨吓眼就過咗去。呢一年係辛苦嘅係勉嘅，但都過得好充實，亦都唔後悔上咗莊。

由ProP走到O'Camp，再到依家落莊，好感激有你哋呢八個同我一齊奮鬥咗成個莊期嘅莊員，冇你哋就有VERACITY，亦都唔會有依家嘅我。

喺呢一年入面我成長咗好多，變得大膽咗（雖然我依然係一個i型人（*D'U'D*）但好多時就係環境會逼住你成長，做EX-CO就有得好似以前咁跟住人去玩，反而係要主動帶住啲組子女去玩，呢樣應該係O'Camp之後我最努力去做好嘅事。

(to be continued)

Speeches from EX-COs



咁亦都要多謝翱峰嘅一眾 member，冇你哋嘅支持同參與，我哋唔可能搞到咁多活動俾大家，希望大家喺翱峰都有留下美好同熱血嘅回憶~

最後祝願下莊可以帶領翱峰愈做愈好，將呢到嘅溫暖繼續傳承落去，唔好忘記當初上莊嘅初衷，搏盡無悔。加油!!

眨吓眼呢一年嘅莊期就結束。仲記得啫啫成莊大家都仲唔係好熟好怕羞，到Pro P之後九個人無所不談，喺呢段莊期大家都冇所成長。由咩都唔識，從0開始到開始對莊務熟手，再到依家落莊，好感激有大家嘅陪伴。希望我哋可以友誼長存!



Memories of VERACITY



大家呢年辛苦晒啦，祝大家
落莊無悔，落莊快樂！

VERTEX, House II SA., HKUSTSU

Speeches from the Elected Cabinet



當初派位入到嚟科大好擔心
會好chur，成日要讀書，身
邊啲朋友又好毒，未必啱
vibe一齊玩，但好彩入到嚟
翹峰之後識到一班好啱玩嘅

朋友。經歷半個sem一齊玩、一齊行街、一齊食飯，慢慢呢班朋友逐漸成為咗我升上大學不可或缺嘅一部分，幫我適應咗呢個全新嘅環境。亦都係因為入咗翹峰呢個契機令到我明白到一班好朋友嘅重要性，所以就係上莊報答返翹峰，帶領翹峰變得更好玩，同理令到咗年fm可以好似我咁有個美好嘅ulife。另外之前中學無做過學生會或者任何leader嘅角色，所以想係上莊期間學吓點樣做好一個leader去帶領翹峰搞好所有function同event，同時可以令咗年fm順利融入大學生活。

Speeches from the Elected Cabinet



多謝大家嘅支持令到我咁可以上到莊！當初想上莊係因為以前中學從來未試過中學生會嘅呢類活動，而且想識到班可以共同進退嘅朋友。

希望喺我咁嘅莊期可以做到最好，令到翱峰發揚光大！

經歷完唔同嘅 gathering 同 function 之後，我發現我真係好鍾意呢個地方，好鍾意翱峰嘅vibe，識到好多肯陪我一齊癲嘅人。我好希望自己可以回饋返呢個地方所以決定上莊。雖然經歷完 Pro P feel 到好辛苦，但係可以同我嘅莊員一齊捱過去呢件事我覺得就係一個美好嘅回憶。我希望我可以令翱峰更勁，令下年嘅freshmen知道翱峰原來係咁好玩。



Speeches from the Elected Cabinet



短短的半年在翱峰感到了很多的溫暖，這種歸屬感令我很想在翱峰與大家並肩作戰，希望來年能和大家繼續創造更多更美好和珍貴的回憶！

經過左Pro P呢段日子，我發現成班人一齊努力合作去做一件事係一件難忘可貴嘅回憶，即使當中有挫折或者唔開心嘅事，但係都係我哋成長嘅見證，見證住大家由一開始嘅迷茫疑惑到後來每日都火力十足咁去完成每日嘅目標同工作，回想起黎都覺得熱淚盈眶，由始至終都有後悔到上莊呢個決定。



Speeches from the Elected Cabinet



多謝咁多位member嘅信任同埋支持，令到我地可以成功當選！！喺正式上咗莊之後，我除咗會繼續做好自己個sec位之外，亦都會

繼續服務咁多位members同埋下一屆嘅freshman！

雖然我有經歷過Pro P，學少咗好多野，不過都希望我可以係未來嘅日子做好自己嘅sec位。為翱峰各位擺到有嘅sponsor之外，更可以令翱峰更多人識，更好玩！



Speeches from the Elected Cabinet



歷時2個禮拜嘅Pro P,令我對上莊多啲一份理解,明白到hold一個完整嘅event需要做嘅野。知道一個event前期準備嘅重要性。如果無準備,無試一次流程,活動就會好混亂無序。

如果問我上莊最大嘅收穫係咩?會話係認識咗一班嘅莊員兼朋友。由啫啫開始淨係hi bye frd,到依加成日約莊聚,回想起Pro P段日子,

好多謝佢地一路上嘅支持、體諒,令我知道自己並唔係孤單,再困難都有一班好firm嘅莊員陪住我。所以我先可以喺Pro P堅持落去!!



Speeches from the Elected Cabinet



Pro P係一段好辛苦，好難捱嘅日子，腦海甚至閃過quit嘅念頭。但當宣布我哋由Nominated變成Elected嘅一刻，我知呢一切都係值得。

嚟緊我哋19個人都會盡222分努力，為咁多位member服務。

首先，多謝各位member嘅支持同信任！！喺短短兩星期嘅Pro P入面，我學識點樣同唔同嘅人相處和解決問題，令我擁有無比珍貴嘅

經歷，呢個經驗亦都令我更加堅強，同時明白了持之以恆嘅重要性。日後都會繼續保持謙虛同學習嘅態度，努力追尋更高嘅層次。



Speeches from the Elected Cabinet



我上莊係因為識到班好Firm嘅friend，希望可以同佢哋有共同嘅回憶。Pro P同佢哋經歷咗好多嘢，大家拍住上，希望上莊可以同佢哋keep到咁friend，一齊笑，一齊喊。

我想上莊係因為希望上莊可以識一班志同道合嘅朋友，一起為一個目標一齊前進。因為以前未試過做學生會，希望上莊可以學習待人處事嘅態度同方法，同理體驗更多姿多彩嘅大學生活。



Speeches from the Elected Cabinet



Pro P 眨吓眼就完咗，話唔辛苦就假嘅，不過成班人一齊努力捱夜奮鬥就確實好青春好難忘！一開頭決定上莊純粹係想乜都試

吓，但係如果而家再問多次嘅話，我會話因為有歸屬感！喺未來一年，我希望可以同一班志同道合嘅莊員一齊搞好翱峰，令members會覺得自豪！

Speeches from the Elected Cabinet



其實無論過自己大學會上莊，中學嗰陣覺得大學上莊係一件很難做到嘅事，要好大勇氣先做到。但自ocamp完咗，自己覺得同hall嘅朋友相處得好好，又好啱vibe，所以最後選擇咗上莊。Pro P之前都擔心自己做嘢會同大家唔夾，又怕面對好多未知嘅事。但經過十幾日嘅diu dec，發現原來大家都好包容同埋願意互相合作同鼓勵，一步一步由零開始做好攤位。去到Pro P嗰陣，有好多好新鮮嘅活動，又面對唔同嘅難關，成個禮拜嘅心情就好似過山車咁有高有低。同一大班莊員齊上齊落嘅感覺好開心，雖然我有時唔在場，但心靈上係有222分嘅支持。最後Pro P上莊嘅經歷對我嚟講係十分難忘，希望上莊後我哋咁多位仲keep到呢份熱誠同火！

Speeches from the Elected Cabinet



到呢刻都唔敢相信自己真係上咗莊，可能初初都係衝動居多，升上大學乜都想試下咁。但係隨住Pro P同莊員經歷過唔同嘅嘢，無論係砌dec，傾function，定係成班人食7仔，每件事對我嚟講都實在太特別太難忘！比起最初淨係想識班firm嘅frd，依家嘅我更加想同大家共同進退，喺莊期內give our best shot。我諗喺好多好多年之後，再望返轉頭，我都仲會多謝當年嗰個有好好衝動嘅自己 ^ _ ^

由決定上莊到兩家，流過血同汗，當中亦有過歡笑同眼淚，準備Pro P、Function嘅場景仍然歷歷在目。上莊最大

嘅得著就係識到一班出生入死嘅莊員，同得到一段段快樂嘅回憶。



Speeches from the Elected Cabinet



經歷半個月嘅準備，九日既 Pro P，辛苦嘅同時都好充實，學到好多嘢，亦都建立咗好好嘅友誼。希望接下來嘅一年我哋19位莊員可以一齊繼續firm，繼續努力！！

我係中學嘅時候，都有參加過學生會或者學會，算係一個比較搵嘅人。咁上到大學就想突破下自己，所以決定咗上莊。其實一開始都有啲



擔心，畢竟自己有呢方面嘅經驗，但經歷咗 Pro P 呢段時間後，我都肯定我上莊嘅抉擇係正確嘅，除咗係因為學到好多技巧知識，更係因為可以同一班莊員並肩合作。此後，我會同莊員們一齊搞好翹峰！

VERTEX

Year Book

Address:

UG Hall II, HKUST, Clear Water Bay, Hong Kong

Mailbox:

#44, Student Centre, HKUST,
Clear Water Bay, Hong Kong

Website: ugh2.su.hkust.edu.hk

Email: su_ugh2@connect.ust.hk

Facebook: House II VERTEX
(社二翱峰)@HKUST

Instagram: [houseii_vertex](https://www.instagram.com/houseii_vertex)

YouTube: House II VERTEX

